

Dialog 1

pazienta	Bien di, signur docter!
miedi	Bien di, dunna Flepp! Co va ei cun Vos?
pazienta	O, ei va grad. Jeu hai dapi in pèr dis aschi mal il tgau e sun staunclira.
miedi	Hmmm, ... Veis Vos aunc auters simtoms?
pazienta	Gie, mingaton hai jeu era in tec schliet. Ed ier sera vewel jeu schizun in tec febra.
miedi	Quei tuna buc bein. Veis Vos il davos temps giu ina blessura?
pazienta	Buc ch'jeu savess.
miedi	Bien, lu mesirel jeu ussa Vossa temperatura. Mo in pign mument e lu savein nus dapli. <i>(Il miedi mesira.)</i> 37.9, quei ei memia ault. Nus vegnin perquei ad intercurir Vos da rudien, per che nus sappien eruir la raschun per Vos simtoms. Buc fagei quitaus, nus anflein schon il motiv per Vos mals.
pazienta	Engraziel fetg, signur docter.
miedi	Mia assistenta vegn gest per prender Vies saung. Mo in mument.

Dialog 2

pazient	Bien di, dunna Camathias.
miedia	Bien di, signur Vinzens. Co va ei cun Vus?
pazient	Buc schi bein. Jeu hai giu ina sgarscheivla notg, perquei ch'jeu hai stuiu tuoscher senza fin.
miedia	Oje, quei tuna buc bein. Lu mirein nus gest inaga. Savesses Vus sefar libers, per ch'jeu sappi tedlar giu Vies lom?
pazient	Secapescha.
miedia	<i>(La miedi interquera il pacient.)</i> Gie, jeu audel ina leva ramur sil lom. Quei para d'esser in'inflammaziun dallas bronchias. Veis vus era giu breigias da trer flad?
pazient	Na, gliez mava pulit. Mo jeu savevel strusch calar da tuoscher. Ed il culiez fa era in tec mal.
miedia	Savesses inaga arver la bucca per ch'jeu sappi controllar la gula? Dapi cu veis Vus quels simtoms?
pazient	Ina leva tuos hai jeu gia dapi l'entschatta da questa jamna. Mo igl ei mintga di vegniu in tec mender.
miedia	E co eis ei cullas ureglias? Sentis Vus era lezzas?
pazient	Na, cullas ureglias hai jeu buc problems. Il lom ei denton adina staus miu punct fleivel. Tgei sai jeu far per ch'ei vegni meglier?
miedia	Jeu dun a Vus in sirup encunter la tuos e mesirel aunc il grad da saziaziun dil saung. Sche lez ei buc sufficients, stoi jeu aunc dar a Vus in medicament pli ferm che reducescha l'inflammaziun ed arva il lom. Veis Vus gia inhalau cun aua da sal?
pazient	Gie, quei emprove jeu mintga ga. Mo quella ga ha ei buc gidau, la tuos ei memia ferma.
miedia	Mo in mument, jeu tuornel gest e lu mirein nus tgei ch'ei drova aunc.
pazient	Engraziel fetg, ussa sun jeu in tec pli ruasseivels.